

佛說持世陀羅尼經

唐三藏法師玄奘奉 詔譯



南無本師釋迦牟尼佛

說明

本繁體校正版《佛說持世陀羅尼經》電子書，根據《乾隆大藏經》大乘單譯經，第 0488 部，唐三藏法師玄奘奉詔譯《佛說持世陀羅尼經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年三月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

佛說持世陀羅尼經¹

唐三藏法師玄奘奉 詔譯²

如是我聞：

一時，薄伽梵在憍餉彌國建磔³迦林，與大苾芻眾五百人俱，菩薩摩訶薩過俱胝數⁴，及諸天、人、阿素洛等無量大眾，前後圍繞。

時彼國中，有一長者，名為妙月，容範溫華，志願⁵閑遠，男女僮僕其數眾多，於佛、法、僧深生敬信，來詣佛所，頂禮佛足，繞百千匝，却住一面，合掌恭敬而白佛言：「世尊！欲問如來、應、正等覺少所疑事，唯願大慈垂愍聽許。」

爾時，世尊哀愍彼故，以慈軟音告言：「長者，恣汝意問。吾當為汝方便分別，令汝心喜。」

時彼長者，歡喜踊躍，稽首作禮，合掌請言：「世尊！云何善男子、善女人，諸貧賤者可得⁶富貴？諸有病者可令病愈？諸有罪者可令罪滅？諸危懼者可令安樂？」

¹ 大正藏：持世陀羅尼經；永樂北藏及龍藏：尼

² 大正藏：大唐三藏法師玄奘奉 詔譯

³ 大正藏：磔；永樂北藏及龍藏：磔

⁴ 大正藏：俱胝數；永樂北藏及龍藏：過俱胝數

⁵ 大正藏：韻；永樂北藏及龍藏：願

⁶ 大正藏：令得；永樂北藏及龍藏：得

爾時，世尊知而故問：「長者，何緣作如是說⁷？」

時彼長者，重白佛言：「世尊！我等在家，多諸眷屬，資財乏少，難可周濟，又多疹疾罪累危懼，故請世尊開示方便，令貧賤者得大財位，周給親屬廣修惠施，饒⁸益一切倉庫無盡；令有病者四大康和，勤修善業身心無倦⁹；令有罪者速得除滅，身壞命終生於善趣。令危懼者身心安樂，親近供養佛法、僧、寶，速證無上正等菩提。」

爾時，世尊告彼長者：「善男子，我於過去無數劫前，遇佛世尊，名持金剛海音如來、應、正等覺、明行圓滿、善逝、世間解、無上丈夫、調御士、天人師、佛、薄伽梵，為欲利樂諸有情故，說陀羅尼，名曰持世，我時聞已，歡喜踴躍，受持讀誦，廣為他說，利益安樂無量有情，由是因緣福慧增長，速證無上正等菩提，為諸天人說微妙法。今為汝說此陀羅尼，汝天人等皆應諦聽，聞已受持，廣為他說。此呪神¹⁰力不可思議，令諸有情皆獲利樂。陀羅尼曰：

⁷ 大正藏：請；永樂北藏及龍藏：說

⁸ 大正藏：饒；永樂北藏及龍藏：饒

⁹ 大正藏：倦；永樂北藏及龍藏：倦

¹⁰ 大正藏：神呪；永樂北藏及龍藏：呪神

「蘇魯閉¹¹ 跋達邏笈底 耆揭麗 頰折
麗頰摺鉢麗 唄¹²伽嘶尼 唄¹³鞞達尼 薩寫
罰底 馱娜罰底 達那罰底 室利沫底鉢拉
婆罰底 罽沫麗 毗沫麗 魯盧蘇縷 波毗
沫麗 頰捺捺悉諦 毗但悉諦毗濕縛繫始
狹矩麗 茫矩麗 毗毗謎杜杜謎 但但麗
但洛但洛 罰折麗罰折麗 羯𪔐羯𪔐^{去聲} 罰栗
殺尼 昵涩波達尼 罰折洛達洛 娑揭洛
昵懼衫. 但他揭耽頰奴颯沫洛 但他揭多薩點
¹⁴颯沫洛 達磨薩點颯沫洛 僧伽薩點颯沫洛
但吒但吒 譜洛譜洛 譜刺¹⁵耶 跋洛跋洛尼
蘇耆揭麗 扇多沫底 耆揭羅罰底 蘇跋達
洛罰底 阿揭車 阿揭車 三沫閻 阿奴颯
沫洛莎訶 阿罰刺¹⁶喃 頰奴颯沫洛莎訶 鉢
刺¹⁷婆^{去聲}凡 頰奴颯沫洛莎訶 經栗砧 頰奴
颯沫洛莎訶 毗折閻 頰奴颯沫洛莎訶 薩
縛薩埵毗捺閻. 頰奴颯沫洛¹⁸莎訶

「此陀羅尼具大神力, 若有善男子、善女人,

¹¹ 大正藏: 但姪他 蘇魯閉; 永樂北藏及龍藏: 蘇魯閉

¹² 大正藏: 喝; 永樂北藏及龍藏: 唄

¹³ 大正藏: 喝; 永樂北藏及龍藏: 唄

¹⁴ 大正藏: 但他揭多薩點 娑揭洛 昵懼衫 但他揭耽 頰奴颯沫洛; 永樂北藏及龍藏:
娑揭洛 昵懼衫 但他揭耽頰奴颯沫洛 但他揭多薩點

¹⁵ 大正藏: 制; 永樂北藏及龍藏: 刺

¹⁶ 大正藏: 制; 永樂北藏及龍藏: 刺

¹⁷ 大正藏: 制; 永樂北藏及龍藏: 刺

¹⁸ 大正藏: 沫; 永樂北藏及龍藏: 沫洛

至心受持，廣為他說，諸惡神、鬼、天、龍、藥叉、人、非人等皆不能害，諸利樂事晝夜增長。若能至誠供養三寶，念誦如是大陀羅尼，經七晝夜時無暫闕，諸天龍神皆生歡喜，自來¹⁹冥護²⁰所須財穀，飢饉疫癘皆悉消除，所有罪障無不殄滅，一切危懼並得安寧，福慧漸增，所求如意，速證無上正等²¹菩提。」

爾時，佛告妙月長者：「汝應信受此陀羅尼，憶念誦持，廣為他說，所求利樂無不諧遂。」

時彼長者，聞佛所說，歡喜踴躍，而白佛言：「我能受持，廣為他說，利益安樂無量有情，唯願世尊慈悲護念。」

世尊告曰：「如是！如是！」

時彼長者，合掌恭敬，右繞世尊百千匝已，頂禮佛足，歡喜而去。

爾時，世尊告阿難曰：「妙月長者諸庫藏中，種種財穀今悉盈滿。」

尊者阿難歡喜白佛：「何因緣故妙月長者諸庫藏中欵然盈滿？」

佛告阿難：「妙月長者聞我所說大陀羅尼，

¹⁹ 大正藏：末；永樂北藏及龍藏：來

²⁰ 大正藏：雨；永樂北藏及龍藏：護

²¹ 大正藏：覺；永樂北藏及龍藏：等

深信歡喜，受持讀誦，願為無量有情宣說，由斯福力庫藏皆滿。汝等亦應受持讀誦，廣為他說此陀羅尼，令此三千大千世界諸有情類，皆得利樂。我觀世間天魔梵等，無能毀越此陀羅尼，文句正真不可壞故，諸薄福者不可得聞。所以者何？如是章句，三世諸佛同所稱揚，以不思議神力加被，令聞持者皆獲利樂。」

尊者阿難深心歡喜，以妙伽他²²而讚頌曰：

諸佛不思議	所說法亦爾
能正奉行	果報亦復然
一切智法王	滅生老病死
已到勝彼岸	稽首大覺尊

爾時，阿難踴躍歡喜，禮佛合掌白言：「世尊！今此法門當名何等？我等今者云何奉持？」

佛告阿難：「此名『妙月長者所問』，亦名『能感一切財位』，亦名『愈疾』，亦名『滅罪』，亦名『能除一切危懼』，亦名『諸佛同所稱揚』，亦名『諸佛神力加被』，亦名『持世陀羅尼經』。汝當奉持²³，勿令忘失，利益安樂一切有情。」

時，薄伽梵說此經已，無量聲聞及諸菩薩，

²² 大正藏：陀；永樂北藏及龍藏：他

²³ 大正藏：行；永樂北藏及龍藏：持

并諸天、人、阿素洛等一切大眾，聞佛所說，皆大歡喜，信受奉行。

佛說持世陀羅尼經

● 結誦儀

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫
迦囉嚩吽

南無本師釋迦牟尼佛 (合掌三稱)

南無護法諸天菩薩 (合掌三稱)

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

十方三世一切佛. 一切菩薩摩訶薩. 摩訶般
若波羅蜜.

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

